

¡BOMBA!

Pues hoy toman posesión los ministros y sus pares, y a útiles escolares, echarles su bendición



K'untzil

Lunes 1° de septiembre de 2025

CAMPECHE · YUCATÁN · QUINTANA ROO · AÑO 11 · NÚMERO 2554 · www.lajornadamaya.mx

Ya'abach máak xíimbalnaj ti'al u táakmuk'ta'al u tuukulil u jatsikubáaj Puerto Rico beey noj lu'um



Kex 3 mil máake' múuch' le domingo máanika', ti'al u xíimbalo'ob tu bejilo'ob Viejo San Juan, ti'al u k'áata'al ka u jatsubáaj Puerto Rico, lel'a jump'éeel ba'ax k'uch tak jayp'éeel u noj kaajilo'ob Estados Unidos.

La Marcha Por La Independencia de Puerto Rico, k'aaba'inta'ab xíimbal beeta'abij. Káaj tu noojolil Capitolio (Parlamento), tu jo'olol k'aaynak iLe himno revolucionario, ti'al u ch'a'ajolta'al bej yóok'ol San Francisco tak ka'aj k'uch máak Tribunal Federal.

Xbeet balts'am Magali Carrasquillo, máax táakpaj xan te'el xíimbalo', tu ya'alaj ti' EFEE', u k'áat in lu'ume' "mu'uk'a'an yéetel jáalk'ab".

Walkila', u noj lu'umil Puerto Ricoe' jeets'el beey Estado Libre Asociado, desde u ja'abil 1952, le beetik petene' yaan jump'iit u autonomíail beyxan u muuk' u jala'ach yéetel u parlamentoil le kaajo' ba'ale', kex beey yaniko', tu yáam u muuk' Estados Unidos p'aatal u muuk'il defensa, u xuul kaajil yéetel relaciones diplomáticas, le

beetik Carrasquilloe' tu ya'alaj ku táakmuk'tik ka u jatsubáaj ti' u lu'umil Estados Unidos.

"Weye' yaanal máax a'alik ba'ax ku beetbil, beyxan ku je'ets'el ba'ax ku yúuchul yéetel k-kuxtal, ktaak'in, ts'o'oke' ma'atech kchíimpol'ta'al. Le beetik teene' in k'áat ka ts'a'abak u xuul le je'elo', ka je'ets'ek ba'ax u k'áat u ya'abil máak", tu ya'alaj.

Leti'e' táakpaj te'el xíimbalilo' yéetel u nook'il u ko'olelilo'ob 'Las Lolitas', jump'éeel múuch' ko'olel ku chíikbesiko'ob Lolita Lebrón, juntúul máax jo'olbes ka'ach

péeksajil ti'al u jatsikubáaj Puerto Rico, máax tu chukaj 24 ja'abo'ob k'ala'an úuchik u ts'o'ots'onik u Congresoil EU, tu yáax k'iinil mayo ti' u ja'abil 1954.

Te'el súutuk xíimbalo', yanchaj ts'iibo'ob yéetel t'aano'ob je'el bix 'Lucha sí, entrega no' beyxan 'Solo me sé tres palabras en inglés: yankees go home'.

Beyxan yanchaj uláak' xíimbalo'ob beeta'ab tu noj kaajilo'ob Ohio, Illinois, Florida, Massachusetts, Nueva Jersey yéetel Nueva York, tu'ux kaja'an maanal 5 millonesil puertoricoilo'ob.